

AR BRAGOU MOAN.

War don : 'Nn hani zimizo d'i-mé,

(Ics kerné.)

Bis.

{ Iannik en deuz chenchet giz, (*)
Eet hé réor da veurc'hiz. (Gé.)
P'euz ket mez, p'euz ket mez,

Koz otrouik manket,

P'euz ket mez, p'euz ket mez

Chomm c'hoaz war (**) ar mez.

Na pérageur bragou moan

Elec'h unan ledan. (Gé.)

C'hui po mez, c'hui po mez,

Pa vo kléet ho toaré,

C'hui po mez, c'hui po mez,

Ma otrouik kez.

Réor ré bell war ann dorchenn

A ia da bladigenn; (Gé.)

Bragou moan, bragou moan

Zo ret da gaout neuzé,

Bragou moan, bragou moan

Vo roet d'ar potr lann.

Iann kulotet enn-giz-sé,

En-em-gav eur potr tré. (Gé.)

Treuz hé dok, touz hé benn,

Mouchour war hé voellou;

(*) Ar G dirag E hag I, azo ével dirag A, O, U.

(**) Al lizérenn W a vez lékéat elec'h V, U, OU. War, livirit,
par, pé ouar. Eur wéren, livirit, eur véren, pé eur uéren,
pé eur oueren.

Treuz hé dok, touz hé benn,
Hag hen kerzat plenn.

Mez mar welfec'h hé gof-gar
Ne gafec'h ked hé bar ; (Gé.)
Bragou moan, bragou moan
A viro kement-sé,
Bragou moan, bragou moan...
Treud ann traou dindan.

Eur breton enn hé zillad
A ziskoez éo petr mad. (Gé.)
Bragou gloan, gouriz ler
Enn-dro da vignonik,
Bragou gloan, gouriz ler
Zo traou ré bouner.

Eur breton a holl-viskoaz,
A zalc'h mad d'hé benn-baz. (Gé.)
Gwalennik glaz pé wenn
Fel d'ann démézelik,
Gwalennik glaz pé wenn
Skanvoc'h da zougenn.

Hon tud koz gand gwirioné
Gwéhall a lavaré : (Gé.)
Bragou moan, bragou moan,
Enn eur pégad labour,
Bragou moan, bragou moan,
A vo bépred goan.

Hor mammou pa oant iaouank,
Merc'hédigou divank, (Gé.)
Eur zonik a ganent

— C'hui , merc'hed ; deskit-hi. —
Eur zonik a ganent ,
Kléet petra larent :

« M'am bézo biken eur goaz
« Vo unan bragou braz. (Gé.)
« Bragou moan , bragou moan ;
« Pez zo'barz ne dall tra ,
« Bragou moan , bragou moan ;
« Né dall ked ar boan. »

Mar t'euz bet digand da dad
Askorn ha diouvorzad , (Gé.)
Dalc'h mad d'as bragou braz
Mignon mar em c'hredez ,
Dalc'h mad d'as bragou braz
Na vézi ket was.

Mez mar d'oud eunn denik flask ,
Mar ma ta réor da glask , (Gé.)
Bragou moan , bragou moan
Zo mad d'id da gêmer ,
Bragou moan , bragou moan
Den na lako van.

Bragou moan o tout er bed
Tri faéron en deuz bet : (Gé.)
Puchérer , garik-treud
Ha iannik kergordenn ,
Puchérer , garik-treud ,
Tri dibuner neud.

Puchérer zo'r freillen den
A gosté Rosporden ; (Gé.)

Krouget hé vragou striz
Béteg hé ziougazel ,
Krouget hé vragou striz
Vel eur c'hoz bourc'hiz.

Garik-treud , bep noz timañ ,
A ié da grampoézat. (Gé.)
Hag ar vrud a lavar
Gand ki Marijanik ,
Hag ar vrud a lavar
Ma éet hé gof-gar.

Kergordenn hé benn touzet
Gand hé c'hallek tréoued , (Gé.)
Zo bet eur bloa pé zaou
O teski c'huitellat ,
Zo bet eur bloa pé zaou ,
Barz ar galéaou.

Bréman'ta kredid erfad ,
Evid ho prassa mad : (Gé.)
Mod ar mez gand mod ker ,
Spont ann dud aféson ;
Mod ar mez gand mod ker
Ra d'hé kaout donjer.

C'hui péré a red bemdé
Warlec'h gizou névé , (Gé.)
O chench préeg , o chench mod
C'hui rei é-ber-amzer ,
O chench préeg , o chench mod ,
Tud fal doc'h tud sod.

Moulet gand ann itron Ar Koat Sant Haouen , euz ann Oriant,

I. W. Herri.